



**Qeqqata Kommuniani
aallaarsimaarnernut
Isumannaallisaanikkut
malittarisassat
tamanut atuuttut**

**Ilinniartitaanermut immikkoortortaq
Området for Uddannelse**





Qeqqata Kommunia
www.qeqqata.gl

Kommunep suliffeqarfiissa, atuarfeqarfiisa inuusuttullu klubbiisa imaluunniit timersoqatigiiffiit aallaarsimaarnerini isumannaallisaanikut malittarisassat tamanut atuuttut tulliuttut imarai:

§ 1 Angajoqqaatut oqartussaassuseqartup/angajoqqaat sinnerlugit sernissuisup peqataanissamut akuersissutaa

§ 2. Assartuineq

§ 3. Aallaarsimaarfimmi angallatinik, umiatsiaaqqanik annanniutinillu atuineq

§ 4. Aallaasit imassallu

§ 5. Piniarneq aalisarnerlu

§ 6. Saviit

§ 7. Ikueqqaarneq ikuallattumillu qatserineq

§ 8. Ikummatissat ikumatitsinerillu

§ 9. Ataatsimoorluni sinittarfiit

§ 10. Attaveqaatinik atuineq

§ 11. Allat

§ 12. Unioqqutitsineq



§ 1. Angajoqqaatut oqartussaassuseqartup/angajoqqaat sinnerlugit sernissuisup peqataanissamut akuersissutaa

Aallaarsimaarnermut peqataasussat tamarmik angajoqqaatut oqartussaassuseqartumit/ angajoqqaat sinnerlugit sernissuisumit allakkatigut akuerineqarsimassapput.

§ 2. Assartuineq

Angallammik assartuussineq Sisimiut/Maniitsumiit (nunaqarfimmiit) aallaarsimaffissamut utimullu angallatit P-tut akuerisat atorlugit pisassaaq.

Imm. 2

Ajutoornermik, ajunaarnermik, ajornartorsiulernermilluunniit pisoqartillugu angallat/ umiatsiaaraq P-tut akuerisaanngitsoq aallaarsimaarfiup Sisimiullu/Maniitsorllu (nunaqarfimmiit) akornanni assartuussissutitut politit akuersisinnegareernerisigut atorneqarsinnaavoq. Politit aallarnissaaq sioqqullugu kalerrinneqassapput, tamatigullu tulluuttut paasissutissiissutigineqartassallutik:

- Angallammut ilaasut qassiuneri.
- Angallat/umiatsiaarat atorneqartoq qanoq ittuunersoq.
- Tikiffissatut naatsorsuutigisaaq.

Imm. 3

Assaqtutami/Ikkamiumi ajutoornermik, ajunaarnermik ajornartorsiulernermilluunniit pisoqartillugu helikopter-ip miffissaa koordinat XX-imiippoq.

Imm. 4

Helikopter-ip miffissaata eqqaani atortunik allanilluunniit ajoqutaasinnaasunik inissimasoqassanngilaq.



§ 3. Aallaarsimaarfimmi angallatinik, umiatsiaaqqanik annanniutinillu atuineq

Angallammik umiatsiaaqqamilluunniit avalatsigani angallammi umiatsiaaqqamilluunniit atortut tamarmik pissusissamisoornissaat aallaarsimaarfimmi pisortap isumagissavaa. Nakkutilliinermut allassimaffik atuarneqassaaq, angalaarniarnermut siunertaq naatsumik allaaserineqassaaq, nalunaaqutaq aallarfik allanneqassaaq atsiorneqarlunilu tassa-lu angalanissaq akueralugu. Nakkutilliinermut allassimaffik pillugu innersuunneqarpoq ilanngussaq 1 (Kommunep aallaarsimaartaarfiini isumannaallisaanermut aalajangersak-kat).

Imm. 2

Angallat/umiatsiaaraq P-tut akuerisaanngitsoq atorneqartillugu angallammi umiatsiaaqqamilluunniit tulliuttut pigineqassapput:

- Qatserut tigummisagaq ataaseq
- Iputit marluk
- Aalisaat ataaseq
- Poortaq ikiueqqaarnermi atortussat ataaseq
- Poortaq ajornartorsiu-lerner-mi atortut ataaseq
- VHF radio atassuteqaataasartooq ataaseq
- Orsussaq sillimmat dunki ataaseq

Imm. 3

Aallaarsimaartarfimmi peqataasut tamarmik, angallammut, umiatsiaaqqamut annani-ummulluunniit ilaasussat puttaqutinik aatsunik angalaarneq tamaat atussapput.

Imm. 4

Angallammik/umiatsiaaqqamik P-tut akuerisaanngitsumik atorluni piniarnermi aalisar-nermilu peqataasut amerlanerpaaffigisinnaasaattut malittarisassaq malinneqartassaaq.



§ 4. Aallaasit imassallu

Aallaasinut imassaanullu malittarisassat aallartoonernik pinaveersaartitsinissamik alatullu aallaasinut tunngasutigut aallaarsimaarnerup nalaani ajutoortoqanginnissaanik siunertaqarput kiisalu ilaasut aallaarsimaarnerup nalaani aqqaneq-marlunnik ukioqalereersimagunik aarlerinangitsumik aallaasinik passussisinnaaneq ilinniarsinnaassammassuk.

Imm. 2

Aallaarsimaarfimmut aallaasinik nassartoqassatillugu, Qeqqata Kommunia suliffeqarfii attuummassuteqartut, atuarfiit inuusuttullu klubbiini pisortaat, inersimasumik nammineersinnaassusilimmik aallaasinullu tunngasunik ilisimasalimmik toqqaassapput. Aallaasinik ilisimasallip taassuma aallaasit assartuussinermi aallaarsimaarfimmi innerlu tamakkerlugu akisussaaffigissavai. Siunertarisamut naleqqutissaaq taamatut toqqaarneqartoq piniartuuppat/aalisartuuppat, aallaarsimanermini peqataasunut aallaasit passunneqartarnerinik piniarnermillu ilinniartitsinissaq suliasarai.

Imm. 3

Peqataasussat ilaat aallaarsimaarfissamut aallaasisarnissamik kissaateqarpat, tamanna kissaateqartup suliffeqarfimmit aallaarfigisaata, atuarfiata ungdomsklubbiataluunniit pisortaannit **akuerineqassaaq**. Aallaarsimaarfimmut aallaammik nassataqarniaaraanni, tamanna peqataasussap allaganngorlugu qinnuteqaatigissavaa, angajoqqaatullu

Oqartussaassuseqartup /angajoqqaat sinnerlugit sernissuisup peqataasussap aallaarsimaarfimmi aallaasisarsinnaanera atuisinnaaneralu atsiarluni uppernarsassallugu akuersarluni.



Imm. 4.

Sisimiut/Maniitsumiit (nuneqarfimmiit) aallaarsimaarfissamut aallannginnermi aallaasit akuerineqarsimasut tamarmik aallaarsimaarfimmut nassarneqartussatut nalunaarsorneqassapput, aallaarsimaarfissamilu nakkutilliisussap aappaata atsionermigut akuersissutigissallugit.

Imm. 5

Peqataasussat ilaat aallaasiminik nassarluni aallaarsimaarfissamut angallammik aallaarsimaarfissamut takkuppap, taakku aallaasinut tunngasunik ilisimasalittamit takuneqassapput, savequtaalu atappat magariinaqarpallu magariinaa aallaammit peerneqassallutik, immikkoortinneqarlutillu imassallu taskimut ikineqarlutik inaalinneqassapput.

Imm. 6

Aallaarsimaartarfimmut apuunnermi aallaasinut tunngasunik ilisimasalittap aallaasit tamaasa sikaavimmut paarnaartartumut ilissavai. Sikaavimmik paarnaartartumik peqanngippat, taava aallaasit tamarmik peqataasunit inornartumut toqqorlugit inaalinneqassapput savequtai tamaasa peerlugit.

Imm. 7

Imassat aallaasinut immikkoortillugit allami toqqorsimaneqassapput.

Imm. 8

Aallaaserinerit tamarmik sakkunut paasisimannittumik akisussaasutut nassuiaassissutigineqartassapput.



Imm. 9

Peqataasut aqqaneq-marluk inorlugit ukiullit aallaasinik tunineqassanngillat atu-
isinneqaratilluunniit.

§ 5. Piniarneq aalisarnerlu

Angallammik/umiatsiaaqqamik piniariartoqarnerani aalisariartoqarneraniluunniit
imaluunniit nunami piniariartoqartillugu minnerpaaffiagut aallaarsimaarfissami
pisortaq inersimasoq ataaseq ilaasassaaq.

Imm. 2

Angallammik/umiatsiaaqqamik P-tut akuerisaanngitsumik atorluni piniariarnermi
aalisariarnermiluunniit § 3-mi aalajangersagaq atuutissaaq.

Imm. 3

Nunamut pisunnermi piniariarnermiluunniit makku nassarneqartassapput:

- Poortaq ikiueqqaarnermi atortussat ataaseq
- Poortaq ajornartorsiulernermi atortut ataaseq
- VHF radio atassuteqaataasartog ataaseq

Imm. 4

Aallartoortoqarsinnaanera pingitsoorniarlugu aallaasit sioqqutsilluni immer-
neqanngisaannassapput. Piniagaq aatsaat aallaanialeraanni
aallaat immerneqartassaaq.

§ 6. Saviit

Ukusartumik assigisaanilluunniit aallaarsimaarfimmut nassarnissaq iner-
tequtaanngilaq. Aaallaarsimaarfimmi savimmik atuinermi qajassuartumik nak-
kutigisaasumillu atuisoqartassaaq.



Imm. 2.

Savinnik naakkiaqattaarnej ajunaarnermik kinguneqarsinnaamat sukannersu-
mik inerteqqutaavoq.

§ 7. Ikiueqqaarnej ikuallatumillu qatserineq

Aallaarsimaartarfimmi suliffeqarfinit attuumassutilinnit, atuarfinit inuusutullu
klubbianniilluunniit peqataasut ilaat minnerpaamik ataaseq ikiueqqaarnermut
pikkorissarnermik ingerlataqarsimassaaq.

Imm. 2

Ikiueqqaarnermi atortussat, qatserut ataaseq, ulerlu qamitsissutissiaq ataaseq
pigineqassapput aallaarsimaartarfiup Assaqtup/Ikkamiullu illuutaani ukunani:

- Illu ataatsimoorfik B-80
- Niivertorutsip illua B-86
- Oqaluffik B-122
- Aallaarsimaartarfimiit Ikkamiuni B-74

Imm. 3

Aallaarsimaartarfimmi suliffeqarfinit attuumassutilinnit, atuarfinit inuusutullu
klubbianniilluunniit peqataasut innermik qamitseqqaarniarnej
pikkorissarfigereersimassavaat.

§ 8. Ikummatissat ikumatitsinerillu

Ikummatissat isumannaatsumik inimilu paarnaaqqasumi toqqortarineqassapput,
Inimilu toqqorsivigisami qatserummik qajuusaasanik imalimmik peqassalluni.

Imm. 2

Innermik ikumatitsinermi uku ilanngullugit: gassitortut, ikumasartut taamaallaat
inersimasumik nakkutiginnittoqarpata ikumateqqusaapput.



Imm. 3

Innermik ikumatitsinermi uku ilanngullugit: ikumasartut, nunami/silami ikumatitsinerit taamaallaat inersimasumik nakkutiginnittoqarpata ikumateqqusaapput.

Imm. 4

Aallaarsimaartarfiup illuutaasa iluini taakkulu silataanni imeq qalattoq inersimasumik nakkutigineqassaaq.

§ 9. Ataatsimoorluni sinittarfiit

Niviarsiaqqanut nukappiaqqanullu ataatsimoorluni sinittarfiit immikkoortinneqarsimassapput.

§ 10. Attaveqaatinik atuneq

Isumannaallisaaneq siunertarlugu aallaarsimaarfissamut tamatigut nassarneqartassapput makku:

- Iridium qaammataasakkut oqarasuaat ataaseq, taamaallaat ajornartorsiulivinnermi atorneqartussaq
- VHF atorlugu atassuteqaataasarteq tigungmiartagaq ataaseq atorneqartassaaq lejrskoleqarfik ungavarlugu angalaarnerni

§ 11. Aallaarsimaartarfimmi atorfillit

Allaarsimaartarfimmi minnerpaamik inersimasut pisortat marluk aammalu inersimasumik nammineersinnaassusilimmik, aallaasinullu tunngasunik ilisimasalimmik peqataasoqassaaq.

Imm. 2

Allaarsimaartarfimmi aallaarsimaartoqannginnerani pisortassat atsiorsimassavaat najoqqutassat atuarsimallugit paasisimallugillu uppenarsarlugu.



§ 12. Meeqqanik pinerliisimanginnermut uppersaammik piniarneq

Inersimasut peqataasut tamarmik meeqqanik pinerlisimasuussangillat.

stk. 2

Kommunip suliffeqarfutaata, atuarfiup inuusuttunut klubbip imaluunniit timer-soqatigiiffiit lejrskolemi peqataasussanut inersimasunut tamanut meeqqanik pinerliisimanginnermut uppersaammik pissarsinissaq isumagissavaat.

stk. 3

Meeqqanik pinerliisimanginnermut uppersaammik tunniussimatinnani, inersimasut peqataasut tamarmik lejrskolemi peqataasinnaangillat.

§ 13. Unioqqutitsineq

§ 4-mik § 8-millu unioqqutitsineq ingerlaannartumik aallaarsimaartarfimmiit peersitsinermik/angerlartitsinermik kinguneqassaaq. Peersitsinermi /angerlartitsinermi peqataasumut angajoqqaat/angajoqqaallu sinnerlugit sernissuisussat assartuussinnermut aningaasartuutit akilissavaat.

Imm. 2

Aalajangersakkani allanik sinnerinik unioqqutitsineq aallaarsimaartarfimmiit peersitsinermik/angerlartitsinermik kinguneqarsinnaavoq. Peersitsinermi/angerlartitsinermi peqataasumut angajoqqaat/ angajoqqaallu sinnerlugit sernissuisussat assartuussinnermut aningaasartuutit akilissavaat.

*Najoqqutassat Ilinniartitaanermut Kulturimut Sunngiffimmullu
Ataatsimiititaliamit akuerineqarput:*

Ulloq 26. Nov 2015


Evelyn Frederiksen
Siulittaasoq


Laust Løgstrup
Kommunimi pisortap tullia